

Z cyklu - felietónové wíérztě – 26 (Wej, wa, co jesta òczenków bògama)

Wej, wa, co jesta òczenków bògama
Za smiotama papiorów zatacony,
Co w kòscołach ùrządów pòganoma
Grozyta pieczętkoma "załatwioné",

Co w mòkwach zgòdów, zezwòleniów
Decyzjów zlonèch zósã nowòmòwě
Ùdokazniwòta w swój stółk pierdzenié
Na petentów spòznionèch zdrzenié krzëwé

Zestąpta w lëdzczy biédë kòłowaze,
Dze rozëm w cëmzi prosy zmiłowaniô
A szmërgnita w trón mądrzelóm z Warszawë
No mòrze niepòtrzëbnégò pisaniô!

Człowiek òddichnie, zdrzucy ze se ùzdã
Socjalisticzną klòtkã biórokracje
I zòdzerzga, dólëbóg, sã pòlózni
Na szëji wcyg chòrëchny demòkracje...

Tómk Fópka, Chwaszczëno, 13 séwnika 2022 rokù, gòdz. 6.41 p.p.